



Juliane Henningsen
Inuit Ataqaṭigiit sinnerlugit Inatsisartuni ilaasortaq
-/ MAANI

Ittoqqortoormiit timmisartuussivigineqarnerat pillugu § 37 naapertorlugu apeqquteqaammut nr. 2012-214-imut akissuteqaat

12. oktober 2012
Sagsnr. 2012-074008
Dok. Nr. 1037360

Asasara Juliane Henningsen

Postboks 909
3900 Nuuk

Ittoqqortoormiit timmisartuussivigineqarnerat pillugu apeqqtinnut, matuma kinguliani tulleriillugit akineqartunut qujanaq.

Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

1. Angallassinermut kiffartuussinissamik isumaqatigiisummi qanoq ililluni ukiuunerani Ittoqqortoormiit nioqqutissanik pilersorneqarnissaa qulakkeerneqarpa?

Pingaarnersiuneq allannguuteqartinneqassanersoq, taamaalilluni nassiussat aalajangersimasunik amerlassusillit ilaasunit salliutinneqartassanersut isumaqatiginninniarnernut atatillugu oqaluuserineqarpoq.

Taamaattumik Namminersorlutik Oqartussat aamma Air Greenlandip akornanni isumaqatigiisutigineqarpoq, ajornartoortoqartillugu nassiussat ilaasunit salliutinneqartarnissaannik aaqqissuussineq qanoq ittoq atorneqassanersoq Air Greenlandip aamma Pilersuisup akunnerminni aalajangiiffigissagaat.

Tassalu siunissami ukiuunerani pilersuineq qanoq iliorluni pitsaanerpaamik aaqqiiffigineqassanersoq kiffartuunneqarnissamik isumaqatigiisummi allassimangilaq, kisiannili aaqqissuussinermik, nassiussanik annertunerusumik pingaartitsiviusumik nassaartoqassasoq isumaqatigiisutigineqarpoq, Naalakkersuisullu pisut qanimut malinnaaffigaat.

2. Nangillugu apeqqtigissavara isumaqatigiisut malillugu inuussutissanik assartuinermi kiilumut akigitinneqartartoq allangussanersoq?

Nioqqutissanik pilersuinerup qulakkeerneqarnissaa siunertaralugu allanguinerni taamaallaat tikikkuminassuseq siunnerfigineqarpoq. Tassalu nassiussanut akit appartinniarlugit tapiissuteqaqqinnissamik Naalakkersuisut pilersaaruteqaqngillat.

Taamaattumik nassiussanut akit maannakkutut aalajangersarneqartaannassapput, matumanili angallavik nutaaq pineqarmat, ingerlasussanik piareersaasarnerup aqutsinerullu allannguutaasa kingunerisaanik nassiussanut akit allangorsinnaapput.

Tamatumunnga atatillugu ilisimatitsissutigisinnaavara, Namminersorlutik Oqartussat Pilersuisorlu akunnerminni qaammatit pingasukkaarlugit ataatsimiittarmata.

Ataatsimiinnerni taakkunani oqaluuserisassat, toqqaannartumik toqqaannangitsumillu nioqqutissanik pilersuinnermut sunniuteqartussanut tunngasut oqaluuserineqartarput, ataatsimiinnermilu tullermi, kiffartuunneqarnissamik isumaqatigiissutit nutaat atuutilinnginnerini pisussami nioqqutissanik pilersuinnermut sunniutaasinnaasut oqaluuserineqassapput.

3. Qanoq ililluni isumaqatigiissummi qulakkeerneqarsinnaava Ittoqqortoormiinit takornariartitsisarnerit ingerlanerliulinnginnissaat?

Najukkani angallassinermi assartuussinissamut pisariaqartitsineq qulakkeerniarlugu kiffartuunneqarnissamik isumaqatigiissusiortoqartarpoq. Taamaattumik Naalackersuisut isumaqanngillat, tamanut suliniutit Naalackersuisunit aallartinneqarsimasut aqutugalugit takornariaqarneq siuarsarneqassasoq.

4. Piffissap qanoq ilinerani Ittoqqortoormiini takornariartitsinerit nalliuteruttorfia eqqartorneqartoq inissinniarneqarpa?

Kiffartuunneqarnissamik isumaqatigiissutinut atatillugu ilaasut amerlassusiat kisimi nalunaarutigineqarpoq. Tassalu ilaasut takornariaanersut allassimanngilaq. Tamanna pissutigalugu piffissap qanoq ilinerani takornariaqarneq annerpaaffiusarnerisooq akisinnaanngilara, tamanna naalackersuisoqarfimma avataaniimmat.

Allaffeqarfinniit Destination East Greenland attaveqarfigineqarpoq, tassanngaanniillu ilisimatitsissutigineqarpoq, piffissaq takornariaqarnerup annerpaaffia martsimi, aprilimi aamma aggustimi inissisimanerusartoq.

5. Ittoqqortoormiini innuttaasunut kiffartuussinermi isumaqatigiissummut isornartuusoq tassaavoq Tasiilamukarniarnermi nunatta Kitaanut, Sermersuaq qulaallugu aqut takisooq atoqqaarlugu aatsaat apuuttoqarsinnaanera. Qanoq akeqassava timmisartorneq Keflavik-Tasiilaq-Nerlerit Inaat atuutilersinneqarpat?

Tasiilami timmisartunut suluusalinnut mittarfeqanngilaq. Taamaattumik sumiiffiit pingasuusut akornanni timmisartuussinermut qulimiguullit atorneqarput, tamannalu pissutigalugu matuma kinguliani akissutinni Kulusuk aqqusaarlugu sumiiffiit pingasut akornanni timmisartuussisarneq eqqarsaatigisimassagit tunngavigaara.

Tasiilap aamma Kulusup akornanni angallavimmut kiffartuunneqarnissamik isumaqatigiissummik peqareerpoq. Kulusup Reykjavik-illu akornanni Air Greenland niuernerimik tunngaveqartumik timmisartuussisarpoq, aammalu Nerlerit Inaata Keflavik-illu akornanni Air Greenlan juunimi, juulimi aggustimilu timmisartuussisassaaq. Taamaattumik ukioq kaajallallugu Keflavik-imut imaluunniit Reykjavik-imut aquteqartarpoq.

Aaqqiissutissamut apeqqutigisarnut tunngatillugu angallaviusalertussami amigaataasoq tassaavoq Taasiilamiit Kulusuk aqqusaarlugu Nerlerit Inaannut apuuttoqarsinnaasunngorlugu Nerlerit Inaata Kulusuullu akornanni angallaviusussa.

Akinik missiliuineq tunngavigalugu Air Greenland missiliuvoq taamaattoqassappat Nerlerit Inaata Kulusuullu akornanni aqqutissaliinissamut pisortat ukiumut 9,8-9,9 mio. koruuninik tapiissuteqartariaqassasut. Taamaattorli erseqqissarusuppara tamatumani taamaallaat akinik missiliuineq pineqarmat, taamaattumillu inaarutaasumik tapiissuteqarnissamut pisariaqartitsineq qaffasinnerusinnaalluni.

- 6. Nunap immikkoortuini peqqinnissaqarfiit pilersinneqarnerisa nassatarivaa Ittoqqortoormiini peqqinnissaqarfikkut qitiusoq aammalu Tasiilami Napparsimmavik qanimut suleqatigiilersimanagerat, ilaatigut Kigutit nakorsaat aamma kigutigissaasoq Tasiilamiit Ittoqqortoormiormiut kif-fartuukkiartortarlugit aammalu Tasiilap Napparsimmavianinngaanniit niv-arsiamit juumuumillu kiffartuunneqarlutik. Tunumi timmisartuussisarnerit allangornerisigut Ittoqqortoormiini innuttaasut kiffartuunneqarnerat siunissami qanoq isikkoqassava?**

Tunumi angallassineq pillugu kiffartuunneqarnissamik isumaqatigiissutit nutaat inernerisaannik, Tunumi angallavinnut pilersaarutit allangortinneqarput. Peqqinnissaqarfimmit aaqqiissutissatut najoqqutassiat misissorneqarput, taamaalilluni innuttaasut aammattaaq siunissami peqqinnissaqarfimmit toqqissisimanartumik sullinneqarsinnaassammata. Angallavinnut pilersaarutit nutaat atuutilerpata, Peqqinnissaqarfik aaqqiissutissamik, innuttaasunut toqqissisimanartumik nassaareersimassapput, aaqqiissutissarlu ingerlateqqillugu nalunaarutigineqarumaarpoq.

Inussiarnersumik inuulluaqqusillunga

Jens B. Frederiksen